

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
Služba za lokalno ekonomski razvoj
Savjet za ekonomski razvoj Grada Bihaća

Broj: 10/1 – SI/18
Bihać, 02.10.2018.g.

Zapisnik

sa XIII sjednice Savjeta za ekonomski razvoj Grada Bihaća – Sektor turizam

Dana 02.10.2018 g. /utorak/ s početkom u 13,00 sati u prostorijama Gradske uprave /Salon Gradonačelnika/. Održana je XIII sjednica Savjeta za ekonomski razvoj Grada Bihaća – sektor turizam. Prisutni na ovoj sjednici su bili:

1. Smail Nuhić, d.o.o. Euroing, Predsjedavajući Savjeta
2. Nijaz Lipovača, Služba za LER, koordinator Savjeta
3. Elvira Fileković, Turistički klaster Una
4. Azra Kurić, JP Nacionalni park Una
5. Emina Štrkljević, JP Nacionalni park Una
6. Armin Amidžić, Turistička zajednica Grada Bihaća
7. Emir Pjanić, d.o.o. GTO_upravitelj stambenih zgrada
8. Elmina Emrulović, Služba za LER
9. Svjetlana Kurbegović, Služba za LER
10. Sakib Alijagić, Služba za LER
11. Damir Ruždijić, Služba za LER, Tehnički sekretar Savjeta

DNEVNI RED XIII SJEDNICE SAVJETA

1. *Izrada Programa razvoja turizma*
2. *Zajedničke Inicijative prema višim nivoima vlasti za unapređenje stanja u turizmu*

Sjednicu Savjeta svojim uvodnim izlaganjem otvorili su Predsjedavajući i koordinator Savjeta za ekonomski razvoj Grada, gosp. Smail Nuhić i Nijaz Lipovača, upoznavši prisutne sa tačkama dnevnog reda i osvrnuvši se okvirno na probleme koje Grad Bihać ima u toku turističke sezone, kad grad svake godine bilježi sve veći priliv stranih i domaćih gostiju.

1. tačka dnevnog reda – Program razvoja turizma

Gosp. Nijaz Lipovača je otvorio 1. tačku dnevnog reda a to je izrada Programa razvoja turizma, koji bi išao na usvajanje na jednoj od narednih sjednica GV.

On je napomenuo da je ovaj Program samo polazna tačka, te da bi se u narednoj godini išlo ka izradi srednjoročnog Programa razvoja turizma na ovom području, što bi dalje stvorilo pretpostavke za izradu kvalitetne Strategije razvoja turizma Grada Bihaća, u čiju izradu bi bili uključeni svi relevantni faktori iz oblasti turizma u našem gradu.

U sklopu te tačke bilo je govora o izradi što kvalitetnijeg promo materijala a poseban akcent je stavljen na turističku mapu grada.

Emina Štrkljević je podsjetila da NP Una posjeduje izuzetno kvalitetnu i praktičnu mapu grada, koju je potrebno revidirati i grafički pripremiti za štampu za sljedeću sezonu. Zbog odlaska gosp. Damira Midžića u inostranstvo koji je prethodno bio angažovan po tom pitanju, iskazala se potreba za angažmanom novog grafičkog dizajnera koji bi izvršio korekciju i grafičku pripremu pomenute karte za štampu. Gospodin Nijaz Lipovača takođe napomenuo da će se za narednu sezonu obezbijediti sredstva kako bi Grad odn. TZ Grada Bihaća krala vlastiti promo materijal.

Otvorena je i tema značaja zajedničkog učešća Grada i partnera na turističkim sajmovima kako u BiH, tako i u regionu. Pored turističkog sajma koji se održava krajem oktobra u Sarajevu, predstavnice JP NP Una su navele još dva vrlo atraktivna sajma u regionu na kojem bi zajednički mogli predstaviti naše potencijale, a to su sajam turizma u Ljubljani koji se održava svake godine u periodu januar/februar i zagrebački sajam turizma pod nazivom „Place to go“ koji se održava tokom marta svake godine.

Dogovoreno je da svi prisutni do petka, 05.10. 2018. godine prosljede Službi za LER mailom svoje okvirne prijedloge, koje su to aktivnosti odn. manifestacije koje bi se mogli naći u Programu razvoja turizma Grada Bihaća. (prim. manifestacije, programi, uređenje okoliša, mobilijar, turistička signalizacija i sl)

2. tačka dnevnog reda-inicijative

Zjednički se diskutovalo o inicijativama koje bi Grad u partnerstvu sa ostalim trebao da uputi drugim nadležnim institucijama s ciljem poboljšanja turističke ponude, a s druge strane koje su to aktivnosti koje je Grad u mogućnosti provesti u okviru vlastitih ingerencija. Identificiran je veliki broj problema s kojima se grad suočava u toku svake turističke sezone.

To su problemi nedovoljnih finansijskih sredstava koje se planiraju svake godine u budžetu USK s ciljem infrastrukturnog uređenja Nacionalnog parka Una, odnosno izgradnje puta Orašac- Ćelije –Š.Buk - Gorjevac, nepostojanje zakonske regulative koja bi omogućila zainteresovanim investitorima za ulaganja u banjski kompleks Gata –Ilidža, problem nelegalnog rada smještajnih kapaciteta, problem manjka parking prostora u gradu, dotrajale fasade u centru grada, zapuštenost i neredovno čišćenje grada, zatvoreni muzeji i nepristupačni kulturno istorijski spomenici u jeku turističke sezone, nepostojanje ostalih sadržaja u gradu koji bi goste zadržali što duže u našem gradu i sl.

Na osnovu svega prethodno navedenog na kraju Sjednice u vidu zaključaka, utvrđene se sljedeće obaveze i inicijative koje će biti upućene nadležnim institucijama.

ZAKLJUČCI:

- ❖ Uputiti inicijativu nadležnim institucijama za rješavanje problema parkinga u gradu Bihaću u toku turističke sezone
- ❖ Uputiti inicijativu od strane Gradonačelnika ka svim Javnim ustanovama i preduzećima da svako u svojoj nadležnosti realizira aktivnosti na redovnom čišćenju i uređenju grada: pranje ulica, sadnja cvijeće i drveća, popravka oštećenih fasada, popravljivanje trotoara i prioritetnih ulica, postavljanje kanti za otpatke i sl.
- ❖ Uputiti inicijativu nadležnim kantonalnim institucijama da u jeku turističke sezone muzeji i ostali kulturno historijski sadržaji u gradu Bihaću budu konstantno dostupni i otvoreni za turiste, te da se upotpune njihovi sadržaji.
- ❖ Uputiti inicijativu Vladi USK, da u 2019. obavezno planira sredstva za infrastrukturno uređenje NP Una, s posebnim osvrtom na izgradnju ceste Orašac –Ćelije -Š.Buk-Gorjevac
- ❖ Uputiti inicijativu Vladi USK-a da donese zakonsku regulativu za realizaciju Projekta Terme Gata, za šta već postoji interesovanje ozbiljnih investitora.
- ❖ Uputiti inicijativu Upravi za inspeksijske poslove USK za što jaču kontrolu stambenih jedinica koji se iznajmljuju, kako bi se stalo na kraj nelegalnim i neregistrovanim iznajmljivačima.
- ❖ Obezbjediti sredstva da Grad odn. Turistička zajednica štampa vlastiti turistički promo materijal te pronaći grafičkog dizajnera koji bi revidirao i pripremio za štampu postojeću turističku mapu grada u vlasništvu NP Una.
- ❖ Dogovoriti eventualno partnersko učešće na tri predstojeća turistička Sajma u regionu (Sarajevo, Ljubljana, Zagreb)

Zapisnik sačinio:

Damir Ruždijć

Tehnički sekretar Savjeta za ekonomski razvoj Grada Bihaća